



ሥርዓተ ማኅሌት ዘብዙኃን ማርያም

ሚካኤል ሊቀ መላእክት ሰአል በእንቲአነ፤

ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን ፣ ሰባሕያን ወመዘምራን፤

ሰአሉ በእንቲአነ፤

፳ወ፬ቱ ካህናተ ሰማይኒ አእርጉ ጸሎተነ።

ነቢያት ወሐዋርያት ፣ ጸድቃን ወሰማዕት፤

ሰአሉ በእንቲአነ፤

ምስሌክሙ ከመ ይክፍለነ ፣ መክፈልተ ወርሱተ ለኩልነ።

ሥርዓተ ማኅሌት ዘብዙኃን ማርያም

ማኅበረ ቅዱሳን ወሰማዕት ሰክሊ በእንቲአነ፤

መላእክተ ሰማይኒ አእርጉ ጸሎተነ።

ማርያም እግዝእትነ ወላዲተ አምላክ ሰክሊ በእንቲአነ፤

እስመ ረከብኪ ሞገሰ በኅበ እግዚአብሔር።

ረከብኪ ሞገሰ መንፈሰ ቅዱሰ ወኃይለ ሰክሊ አስተምሕሪ
ለነ ማርያም ወልድኪ ሣህሎ ይክፍለነ።

ሥርዓተ ማኅሌት ዘብዙኃን ማርያም

ኅብ ተርኅወ ገነት ወኅብ ተነፅፈ ዕረፍት ይክፍለነ
ነሃሉ ውስተ በዓቶሙ ለቅዱሳን። ፫ ጊዜ

◀◀◀◀ ጸሎት ▶▶▶▶

ሥርዓተ ማኅሌት ዘብዙኃን ማርያም

መሪና ተመሪ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚክ ገዓርየ ሃሌ ሉያ ሃሌ ሉያ
ወኢትሚጥ ገደክ እምኔየ።

አንሺ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚክ ገዓርየ ሃሌ ሉያ ሃሌ ሉያ
ወኢትሚጥ ገደክ እምኔየ።

ሥርዓተ ማኅሌት ዘብዙኃን ማርያም

ተመሪ

በዕለተ ምንዳቤየ አፅምኧ እዝነከ ኅቤየ

ሃሌ ሉያ ሃሌ ሉያ

አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ

በጎብረት

ለዓለም ወለዓለም።

ሃሌ ሉያ ዘውእቱ ብሂል፤

ንወድሶ ለዘሀሎ እግዚአብሔር ልዑል፤

ስቡሕ ወውዱስ ዘሣረረ ኹሎ ዓለመ በአሐቲ ቃል።

ሥርዓተ ማኅሌት ዘብዙኃን ማርያም

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብጻሕ ቅድሚክ ገዓርህ ሃሌ ሉያ ሃሌ ሉያ
ወኢትሚጥ ገጸክ እምኔህ።

በዕለተ ምንዳቤህ አፅምኝ እዝነክ ኅቤህ ሃሌ ሉያ ሃሌ ሉያ
አመ ዕለተ እጼውዓክ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።

ሁለተኛ ማንኛ ሃሌ ሉያ ዘውእቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወውዱስ ዘሣረረ ኹሎ ዓለመ በአሐቲ ቃል።

ሥርዓተ ማኅሌት ዘብዙኃን ማርያም

በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪያ፤

እንዘ እብል ከመዝ ጸወንየ ወኰኩሐየ፤

ወታድኅነኒ ሊተ እም እደ ጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሐይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪያ።

ሥርዓተ ማኅሌት ዘብዙኃን ማርያም

ሚካኤል መልአክ ሰአል ወጸሊ በእንቲአነ፤ ወበእንተ ነፍሰ ዙልነ ፤ መልአኪያ ይቤሎ፤ እመላእክት ሠምሮ መልአክ ኪዳኑ ለክርሰቶስ።

ሰላም ለክሙ ማኅበረ መላእክት ትጉሃን፤

ሰላም ለክሙ ማኅበረ ነቢያት ቅዱሳን፤

ሰላም ለክሙ ማኅበረ ሐዋርያት ፍንዋን፤

ሰላም ለክሙ ማኅበረ ሰማዕት ወጸድቃን፤

ሰላም ለክሙ ማኅበረ ሥላሴ ግብኝን፤

ወሰላም ለማርያም ዘእሳት ክዳን።

ሥርዓተ ማኅሌት ዘብዙኃን ማርያም

ማኅበረ መላእክት ወሰብኦ ተአይነ ክርስቶስ ወኒሙ፤
ሰላም ለክሙ ሶቦ እከሰት አፋየ ለውዳሴክሙ፤
ፍሬ ማኅሌት እምልሳንየ ትቅሰሙ፤
ምስሌየ ሀልዉ ወምስሌየ ቁሙ።

ሥርዓተ ማኅሌት ዘብዙኃን ማርያም

ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘአካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኩር ኩሉ፤

ጽሑፋን መልክእ ወስም በሰማይ ዘላዕሉ።

ሥርዓተ ማኅሌት ዘብዙኝን ማርያም

ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጻድቃን ሰላም።

ሥርዓተ ማኅሌት ዘብዙኝን ማርያም

ሰላም ለአብ ዘእምቅድመ ዓለም ነጋሢ፤

ለወልድ ሰላም ሥጋ ማርያም ለባሰ፤

ወለመንፈስ ቅዱስ ሰላም ኃጢአተ ዓለም ደምሳሰ።

ኃይልየ ሥላሴ ወጸወንየ ሥላሴ፤

በስመ ሥላሴ እቀጠቅጥ ከይሴ።

ሥርዓተ ማኅሌት ዘብዙኝን ማርያም

መልክክ ሥላሴ

ሰላም ለኩልያቲክሙ እለ ዕሩያን በእካል፤
ዓለመክሙ ሥላሴ አመ ሐወጸ በሣሕል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበቀራንዮ ተተክለ መድኃኒት መስቀል።

ሥርዓተ ማኅሌት ዘብዙኃን ማርያም

ዚቅ

ንባርኮ ለአብ ወወልድ ወመንፈስ ቅዱስ ፤ ስቡሕኒ
ውእቱ ወልዑልኒ ውእቱ ለዓለም ፤ ንፍሑ ቀርኒ
በጽዮን ፤ ስብኩ በዓለ ማርያም ወበዓለ መስቀል
ዘዮም።

ሥርዓተ ማኅሌት ዘብዙኃን ማርያም

ወረብ

ዓቢይ ዜማ ተሰምዖ በሰማይ ዲበ መንበሩ እንዘ
የዓርግ ወልድ/፪/

ከሎሙ መላእክት ትንሣኤሁ ዘመሩ መላእክት
ሱራፌል ወኪሩቤል/፪/

ሥርዓተ ማኅሌት ዘብዙኃን ማርያም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤

አፍኒን ወራጉኤል ወሳቁኤል፤

ወሰላም ለቅዳሴክሙ

ትጉኅነ ሰማይ ዝክሩነ በጸሎትክሙ።

ሥርዓተ ማኅሌት ዘብዙኃን ማርያም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል፤

ሊቃናተ ነድ ፤ ዘሰማያዊት ማኅፈድ፤

በእንተ በግዑ ዕቀብዋ ለዛቲ ዓፀድ።

ሥርዓተ ማኅሌት ዘብዙኃን ማርያም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቂኤል።

ወሰላም ለከናፍሪክሙ፤

ከሙ ትዕቀቡነ ተማኅፀነ ለክርስቶስ በደሙ።

ሥርዓተ ማኅሌት ዘብዙኃን ማርያም

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል።

እለ ትሴብሐዎ መላእክተ ሰማይ ሰአሉ ለነ

አስተምሐሩ ለነ ቅድመ መንበሩ ለእግዚእነ።

ሥርዓተ ማኅሌት ዘብዙኃን ማርያም

ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርዕሰኝ ከልል።

ሥርዓተ ማኅሌት ዘብዙኝን ማርያም

ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲኦትከ ዲቤነ ሲማ፤
ለማኅበርን ከዋላሃ ዕቀብ ወፍጽማ፤
እመራደ ነኪር አፅንዕ ኑኝ ወግድማ።

ሥርዓተ ማኅሌት ዘብዙኳን ማርያም

ሰላም ለሚካኤል ዘነድ ሠራጉ፤

ይትከሃን ወትረ በበምስዋዒሁ፤

እምቅዱሳን አሐዱ እምእለ ይተግሁ፤

ሐዋዝ በአርያም መኃልይሁ፤

ነጐድጓደ ስብሐት ግሩመ ይደምፅ ጉህናሁ።

ሥርዓተ ማኅሌት ዘብዙኃን ማርያም

ሰላም ለልሳንክ መዝሙረ ቅዳሴ ዘነበልባል፤
ወለድምፀ ቃልክ ሐዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።

ሥርዓተ ማኅሌት ዘብዙኃን ማርያም

ንዌጥን ዝክረ ውዳሴሆሙ ለነቢያት ወሐዋርያት፤
ለጳድቃን ወሰማዕት፤
ለአእላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።

ሥርዓተ ማኅሌት ዘብዙኃን ማርያም

ንዌጥን ዝክረ ወድሶታ ለመንፈሳዊት ርግብ፤
ዘመና ልሁብ፤
እምከናፍሪሃ ይውኅዝ ሐሊብ፤
ተፀውረ በማኅፀና እሳት ዘኮፊብ፤
ወኢያውኢያ ነድ ወላህብ።

ሥርዓተ ማኅሌት ዘብዙኝን ማርያም

ማኅፀንኪ እግዝእትየ ማርያም ይከብር ምስብዒት፤
እምጽርሐ ኦርያም ዘላዕሉ ወእምኪሩቤል ትርብዕት፤
፱ተ አውራኝ ወሐምስተ ዕለት፤
ፆረ ዘኢይፀወር መለኮት፤
አግመረ ዘኢይትገመር እሳት።

ሥርዓተ ማኅሌት ዘብዙኝን ማርያም

ላይ ቤት በተቆመ ጊዜ የሚባል

ይትባረክ ሰምኪ ማርያም ዘአውጻእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ኅላቋሆሙ አእላፍ፤

እምሳለ ደመና ይኬልሉኪ በክንፍ።

ቀጥለህ “ለዝክረ ሰምኪ ዘመንክር ጣዕሙን” በል

በታች ቤት ይኸንን በል

ምንተ አአሰዮ ለእግዚአብሔር አሐተ፤
በእንተ ኩሉ ዘገብረ ሊተ፤
ርሰዱኒ እመ አሰምሮ ግብተ፤
ማርያም እግዝእትዮ ዘሜጥኪ እሳተ፤
ድኅረ በጽሐ ልሣኑ ዘለኪ ቤተ።

ሥርዓተ ማኅሌት ዘብዙኃን ማርያም

ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰዩ በኪዳንኪ ውኩፍ፤

ኢይትኅፈር ቅድመ ወልድኪ ወመላእክቲሁ አእላፍ፤

አመ ሥርወ ልሳን ይትገዘም ወይትሐተም አፍ።

ሥርዓተ ማኅሌት ዘብዙኃን ማርያም

ነግሥ

ሰላም ለዝኸረ ሰምኪ ዘመንኸር ጣዕሙ፤

ለወልድኪ አምሳለ ደሙ፤

መሠረተ ሕይወት ማርያም ወጥንተ መድኃኒት
ዘእምቀዲሙ፤

ኪያኪ ሠናይተ ዘፈጠረ ለቤዛ ዓለሙ፤

እግዚአብሔር ይትባረክ ወይትአኮት ሰሙ።

ሥርዓተ ማኅሌት ዘብዙኳን ማርያም

ዚቅ

ዓይ ይእቲ ዛቲ መድኃኒት፤
እንተ ኃሠሥዋ ወያድዋ ነቢያት፤
ወይቤሎ ለኖኅ አመ አይኅ፤
ግበር ታቦተ በዘትድኅን፤
እትአመን ባቲ እስመ አርአያ መስቀል ይእቲ፤
አክሊለ ተቀጺላ ታንሶሱ።

ሥርዓተ ማኅሌት ዘብዙኃን ማርያም

መልክክ ማርያም

ሰላም ሰላም ለዝክረ ስምኪ ሐዋዝ፤

እምነ ከልበኔ ወቀሁስጥ ወእምነ ሰንበልት ምዑዝ፤

ማርያም ድንግል ለባሲተ ዓቢይ ትእዛዝ፤

ይሰቅየኒ ለለጽባሐ ወይነ ፍቅርኪ አዚዝ፤

ከመ ይሰቅዮ ውኒዝ ለሠናይ አርዝ።

ሥርዓተ ማኅሌት ዘብዙኃን ማርያም

ዚቅ (ግምጃ ቤት)

ወይቤልዋ እምነ ጽዮን በሐ፤

ወይቤልዋ ደብተራ ፍጽምት በሐ፤

ወይቤልዋ ብርሃን አሕዛብ በሐ ፤ ረቢ በሐ

ወሪዶ እመስቀሉ ሙቁሐን ፍትሐ።

ወረብ

ወይቤልዋ (፪) በሀ በሀ ለማርያም (፪)

እምነ ጽዮን (፪) ወይቤልዋ ደብተራ ፍጽምት (፪)

ዚቅ (ዘበዓታ) ፍጽመኑ..... ↓

ሥርዓተ ማኅሌት ዘብዙኃን ማርያም

ዚቅ (ዘበዓታ)

ፍጽመነ ንዕትብ በዕፀ መስቀሉ፤

ነግሀ ነቂሐነ እምንዋም በከመ ይቤሉ አዕማደ ሰላም፤

ዘዮም መስቀል አሠነየ ዓለመ እንተ በልየ፤

በሰነ ማርያም አዋከየ፤

ለክርሰቲያን ኮኖሙ ዕብየ።

ወረብ

ዮም መስቀል አሠነየ እንተ በልየ ዓለመ አሠነየ፤ /፪/

በሰነ ማርያም አዋከየ። /፪/

ሥርዓተ ማኅሌት ዘብዙኃን ማርያም

መልክክ ማርያም

ሰላም ለጉርዔኪ ሠናይ እምወይን፤

በከመ ይቤ ሰሎሞን፤

ማርያም ድንግል ለባሲተ ዓቢይ ብርሃን፤

ክድንኒ ገርዜነ ጸጋ ኢያዕጽብኒ ዕርቃን፤

ዘኢኣነምዎ ጠቢባን በኪን።

ሥርዓተ ማኅሌት ዘብዙኃን ማርያም

ዚቅ

በከመ ይቤ ሰሎሞን በእንተ ማርያም፤
ንዑ ንትፈጋዕ ወኢይኅልፈነ ጽጌ ደመና፤
መስቀል ዘዮም ኣብርሃ በሰነ ማርያም፤
ጴጥሮስኒ ሰመያ እመ ብርሃን፤
ጳውሎስኒ ይቤላ ደብተራ ግዕዛን፤
አጽገዩ ሕዝበ መሐይምናን፤
በቤተ መርዓ ተመልሑ ክርስቲያን።

ሥርዓተ ማኅሌት ዘብዙኃን ማርያም

ወረብ

ጴጥሮስኒ ሰመያ እመ ብርሃን/፪/

ጳውሎስኒ ይቤላ ደብተራ ግዕዛን።/፪/

ሥርዓተ ማኅሌት ዘብዙኃን ማርያም

መልክክ ማርያም

ሰላም ለሐቋኪ በትረ ሌዋዊ ሣውዕ፤

ዘኢሐጸነኪ ጠል ወዘኢሰቀየኪ ነቅዕ፤

ማርያም ድንግል እግዝእተ መላእክት ወሰብእ፤

ሰድኒ ብሔረ ፍግዕ በትንባሌኪ ባቀዕ፤

ምስለ ኅሩያንኪ ደርገ አሀሉ በስንዕ።

ሥርዓተ ማኅሌት ዘብዙኃን ማርያም

ዚቅ

በትረ አሮን እንተ ሠረፀት ፤ ወባቲ ይገብሩ ተአምረ
፤ በውሰተ አሕዛብ ፤ እስመ አርአያ መስቀል ይእቲ።

ወረብ

በትረ አሮን እንተ ሠረፀት(፪) ማርያም ድንግል (፪)
ወባቲ ይገብሩ ተአምረ በውሰተ አሕዛብ። (፪)

ሥርዓተ ማኅሌት ዘብዙኃን ማርያም

መልክክ ማርያም

ሰላም ለመልክዕኪ ዘተሠርገወ አሚረ፤

ዘያበርህ ወትረ፤

ፍቅርትየ አንቲ እንተ ታበድሪ ፍቅረ፤

አርእይኒ ገፀ ዚአኪ ማርያም ምዕረ፤

ዘኢይሰምየ ካልዕ እንግርኪ ነገረ።

ሥርዓተ ማኅሌት ዘብዙኃን ማርያም

ዚቅ (ዘግምጃ ቤት)

ፍጽመነ ንዕትብ በዕፀ መስቀሉ፤
ነግሀ ነቂሐነ እምንዋም በከመ ይቤሉ፤
አዕማደ ሰላም ዘዮም መስቀል አሠነየ፤
ዓለመ እንተ በልየ፤
በሰነ ማርያም አዋከየ፤
ለክርሰቲያን ኮኖሙ ዕበየ።

ዚቅ (ዘበዓታ)

አብርሂ.....



ሥርዓተ ማኅሌት ዘብዙኃን ማርያም

ዚቅ (ዘበዓታ)

አብርሂ አብርሂ ማርያም አብርሂ፤
መስቀሎ ለወልድ እንዘ ትትሞጥሐ፤
ጽዮን ዮም ተፈሥሐ/፪/

ወረብ

አብርሂ አብርሂ ማርያም አብርሂ አብርሂ/፪/
መስቀሎ ለወልድ እንዘ ትትሞጥሐ ጽዮን ዮም
ተፈሥሐ/፪/

ሥርዓተ ማኅሌት ዘብዙኃን ማርያም

መልክክ ማርያም

በዝንቱ ቃለ ማኅሌት ወበዝንቱ ይባቤ፤
ለዘይሰጸለኪ ብጸሲ ጊዜ ረከቦ ምንዳቤ፤
ብጽሐ ፍጡነ ትሰጠዊዮ ዘይቤ፤
ማርያም ዕንቁሩ ክርስቲሎቤ፤
ወምዕዝተ ምግባር እምክርቤ፤
ዘጸገየ ማኅፀንኪ አፈወ ነባቤ።

ዚቅ

ሐፀር የዓውዳ ወጽጌረዳ ፤ ግብተ በርሃ ገጸ እምፀሐይ
በትእምርተ መስቀል ፤ ክቡራት ዕንቅሥ መሠረታ

ወረብ

ግብተ በርሃ ገጸ እምፀሐይ በርሃ ገጸ ግብተ
እምፀሐይ($\bar{e}$)
ክቡራት ዕንቅሥ መሠረታ ሐፀር የዓውዳ ወጽጌረዳ
በትእምርተ መስቀል($\bar{e}$)

ሥርዓተ ማኅሌት ዘብዙኃን ማርያም

ዓርኬ

ሰላም ለክሙ ዳዳሳት ኢዕማድ፤

፫፻፲ወ፰ በፍቅድ፤

በእንተ ማርያም ዳጦስ ፀዋራተ ነድ፤

ንዑ ንዑ መምህራን ትባርኩነ ለውሉድ፤

እንዘ ትእኅዙ መስቀለ በእድ።

ወረብ

ሰላም ለክሙ ዳዳሳት ኢዕማድ ፤ ዳዳሳት ኢዕማድ (፪)

፫፻፲ወ፰ (፪) በፍቅድ(፪)

ማኅሌተ ጽጌ

ብሩካን ኦርጋብ እለ በታሕቲኪ ያጸልሉ፤
ወይሴሳዩ ፍሬኪ እንዘ በደሙ ያጠልሉ፤
ዕፀ መዓዛ ማርያም ለመስቀል ትእምርተ አምሳሉ፤
እሰመ ጽጌኪ ጽጌሁ ወለአሰካልኪ አሰካሉ፤
ለክልኤሆሙ ሰጊድ ይደሉ።

ዚቅ

ወበእንተዝ አዘዙን መምህራን ቅዱስ ወንጌል፤
አምሳለ ፈጣሪ ልዑል፤
ንስግድ ለመስቀል ወለማርያም ድንግል።

ወረብ

ወበእንተዝ አዘዙን መምህራን ቅዱስ ወንጌል ፤
ወንጌል አምሳለ ፈጣሪ ልዑል፤ (፪)
ንስግድ ለመስቀል ወለማርያም ድንግል። (፪)

ሥርዓተ ማኅሌት ዘብዙኃን ማርያም

ምልጣን(አንገርጋሪ) ዘግምጃ ቤት

ዓይ ይእቲ ዛቲ መድኃኒት ፤ እንተ ኃሠሥዋ ወዖድዋ ነቢያት ፤ ወይቤሎ ለኖኅ አመ አይኅ ፤ ግበር ታቦተ በዘትድኅን ፤ እትአመን ባቲ እስመ አርአያ መስቀል ይእቲ ፤ አክሊለ ተቀጺላ ታንሶሱ።

ምልጣን(አንገርጋሪ) ዘበዓታ አጽገዩ.....



ምልጣን(አንገርጋሪ) ዘበዓታ

አጽገዩ ሕዝበ መሐይምኖን ፤ አጽገዩ ሕዝበ ፤
አጽገዩ ሕዝበ ፤ መሐይምኖን አጽገዩ ሕዝበ።

አመላለሰ

አክሊለ ተቀጺላ ፤ /፪/
አክሊለ ተቀጺላ ታንሶሱ።/፪/

ሥርዓተ ማኅሌት ዘብዙኃን ማርያም

እስመ ለዓለም (ዘበዓታ)

ማርያም ድንግል ምክሐን ለደናግል፤

ይእቲኬ ቤተ ምስክል ፤ ዘአስተዓጸቡ ታቀልል፤

ለኩሉ ፍጥረት ትተነብል፤

በአክናፊ መላእክት ትትኬለል፤

ይእቲ ተዓቢ እምኪሩቤል፤ ወትፈደፍድ እምሱራፌል፤

መንከር ወመድምም ዕቢያ ወክብራ ለድንግል፤

ጽሕፍት ውስተ ወንጌል፤

ወዲበ ርእሳኒ አክሊል በትእምርተ መስቀል።

ሥርዓተ ማኅሌት ዘብዙኃን ማርያም

አመላለስ

ጽሕፍት ውስተ ወንጌል፤/፪/

ወዲበ ርእሳኒ አክሊል በትእምርተ መስቀል። /፪/

ወረብ

ማርያም ድንግል ምክሉን ለደናግል ይእቲኬ

ቤተ ምስክል፤ /፪/

ለኩሉ ፍጥረት ትተነብል ለኩሉ ፍጥረት። /፪/

ሥርዓተ ማኅሌት ዘብዙኃን ማርያም

እስመ ላዓለም (ዘላይ ቤት)

ጸሎትክሙ ጽንዕት ሃይዋኖትክሙ ርትዕት ፤ እንተ
በኩሉ ትረድእ ፤ ሠናያን ወውርዝዋን በምግባረ ጽድቅ
አግዓዝያን አንትሙ ፤ እለ መነንክምዎ ለዝንቱ ዓለም
ኃላፊ ፤ ከመ ነግድ ፈላሲ ሀልዉ አኃውየ ፍቁራንየ ፤
ምንት ይበቀሉን ንብረቱ ለዝንቱ ዓለም ፤ ኢወርቅ ሤጡ
ለነፍሰክሙ ፤ ሀቡ ናጥብዕ ወንንሣእ መስቀለ ሞቱ
ለፍጹም መድኃኒን ፤ ኢይሱስሃ ክርስቶስሃ ሰብሕዎ ፤
ሀቡ አኩቴተ ሰብሐቲሁ ፤ እንዘ አልብነ ኩሉ ብነ ፤
እንዘ አልቦ ዘየአምረነ ብዙኃን የአምሩን፤ ንልበስ ልብሰነ
ዘድልዉ ለነ በኃቤሁ ፤ ማኅደርነ ዘበሰማያት።

ወረብ

ጸሎትክሙ ጽንዕት ሃይሞኖክትሙ ርትዕት እንተ
በኩሉ ትረድዕ፤ (፪)

ሠናያን ወውርዝዋን በምግባረ ጽድቅ አግዓዝያን
አንትሙ። (፪)

ቅንዋት

ሴመክሙ እግዚአብሔር ጳጳሳት ፣ ቀሳውሶች
ወዲያቆናት ከመትርዓዩ ቤተክርስቲያኑ እንተ
አጥረያ በደሙ ወአተባ በዕፀ መስቀሉ።

እስመ ለዓለም ዘሰንበት (ዘግምጃ ቤት)

አዐትብ ገጽዩ በእፀ መስቀልከ ፤ ወእትፌሳሕ
በአድገኖትከ ማርያምሃ ወሀብከ ለውሉደ ሰብእ ፤
እግዚአ ለሰንበት ፤ ወአቡሃ ለምሕረት ሰብሕት
ለከ።

እስመ ለዓለም ዘሰንበት(ዘበዓታ)

ይቤሎሙ ኢየሱስ ለአርዳኢሁ ኢይብለክሙ
አግብርትየ አእርክትየ አንትሙ መዋርስትየ ፤
ድሙር ማኅበሮሙ ፫፻፲፱፻፳፰ ፤ ድሙር ማኅበሮሙ
እለ ጽሑፍ አሰማቲሆሙ በሰማያት ፤ ድሙር
ማኅበሮሙ ውስተ ኩሉ ምድር ወጽኦ ነገሮሙ ወእስከ
አጽናፈ ዓለም በጽሐ ነቢቦሙ ፤ ድሙር ማኅበሮሙ
ሰንበትሰ በእንተ ሰብእ ተፈጥረት ፤ ወአኮ ሰብእ
በእንተ ሰንበት ፤ ድሙር ማኅበሮሙ እመ ብርሃን
ወእመ ሕይወት ፤ ማርያም ዘበአማን።

አቡን

ሃሌ ሉያ በ፯ ለሰሚዕ ዕጹብ ግብር ፤ ለሰሚዕ ዕጹብ ግብር ፤ ጥብቡ ለእግዚአብሔር ፤ ለሰሚዕ ዕጹብ ግብር አጽናፈ ዓለም እለ ተዘርወ። ለሰብከተ ወንጌል አስተጋብአሙ በምዕር ፤ ለሰሚዕ ዕጹብ ግብር ቦ እለ ተንሥኡ ተፅዒኖሙ ደመና ብሩኅ ፤ ለሰሚዕ ዕጹብ ግብር ወተፈሥሑ ሐዋርያት ፤ ሶበ ታጋብኡ ንቡረ ፤ ገብሩ በከመ አዘዙሙ ፤ ወከመ ቀዳሚ ተመይጡ ከሉሎሙ።

አራራይ

፫፻፲ወ፰ ድሙር ማኅበሮሙ ፤ ክርስቶስሃ
ተወኪሎሙ ዕፀ መስቀሉ ተመርገዋልሙ ፤ ሞፀ
አግረሩ ፀሮሙ ጌራ መንድኃኒት ዲበ ርእሶሙ።

ሥርዓተ ማኅሌት ዘብዙኃን ማርያም

ዓዲ

ማርያም ድንግል ምክሐን ለደናግል፤

ይጸቲኬ ቤተ ምስክል፤

ዘአስተዓጸቡ ታቀልል፤

ለሁሉ ፍጥረት ትተነብል፤

በአክናፊ መላእክት ትትኬለል፤

ይጸቲ ተዓቢ እምኪሩቤል፤

ወትፈደፍድ እምሱራፌል፤

መንክር ወመድምም ዕቢያ ወክብራ ለድንግል፤

ጽሕፍት ውስተ ወንጌል፤

ወዲበ ርእሳኒ አክሊል በትእምርተ መስቀል።

ሰላም

ፍጽመነ ንዕትብ በዕፀ መስቀሉ ፤ ነግሀ ነቂሐነ
እምንዋም በከመ ይቤሉ አዕማደ ሰላም ፤ ዘዮም
መስቀል አሠነየ ዓለመ እንተ በልየ ፤ በሰነ ማርያም
አዋከየ ፤ ለክርስቲያን ኮኖሙ ዕበየ።

ምንጮች

ዝክረ ቃል - መጽሐፍ

ዕለታዊ ስንኳር's Post

Ethiopianorthodox.org

አመታዊ ሥርዓተ ማኅሌት (SCRIBD)

መልክአ ማርያም - መጽሐፍ

መልክአ ሥላሴ - መጽሐፍ

እግዚአብሔር አምላካችን እንደቸርነቱ ምሕረትንና ድኅነትን ያድለን። የእመቤታችን የቅድስት ድንግል ማርያም በረከትና አማላጅነት አይለየን።
ምሥጋና ለአብ ለወልድ ለመንፈስ ቅዱስ ለአንድ አምላክ ይገባል። ዛሬም ለሚመጣውም ለዘለዓለሙ አሜን።

መልካም በዓል!!!

ጌታሁን ተሾመ

(ኃይለ ገብርኤል)

ነሐሴ ፳፩ ቀን ፪፻፲፰ ዓ.ም

Getahun Teshome

August 27, 2026

Blacklick, Ohio USA

(614)432-5844

bereded62@gmail.com

<https://www.mytewahdo.org>